

سنه لکى در سعادت ایچون مجیدیه
یکرمی غروش حسابیه التمش
غروشدر

طشمره ایچون بوسته اجرتی اوله رق
اون بش غروش ضم اولتور

نسخه سی ٤٠ پاره در

فکر دیک محاکمات علییه

آبونه اولقی ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه یه متعلقدر

محاکمات مقتررات

اورفه سنجانی تجارت محکمه سی رئیس اسبقی
عمر خلوصی افندینک اوراق انفصالیه و مدافعه نامه سی
انجمن انتخاب مأمورین عدلیه جه لدی التدقیق جواز
استخدامنه قرار ویرلمشدر.

محکمه تمیز حقوق دائره سندن تنظیم واعطا

اولنان اعلامدر:

قونیه نك طوراق فقیه محله سی اهالیسندن خلیل
ابراهیم اوغلی خیرالدین افندی ایله محله مذکوره
اهالیسندن و تجارتدن درویش فیضی اوغلی توفیق افندی
بیننده متحدث دعوا یه دائر قونیه بدایت محکمه سی
تجارت قسمندن ١٨ کانون ثانی سنه ٣٢٢ تاریخی
و ٢٣ عددی ایله ویریلان اعلام خیرالدین
افندی طرفندن تمیز ایدلمکله اعلام مذکور طرفینک
اعتراض و جواب لایحه لری یله برابر بالمطالعه تدقیقات
تمیز به اجراسنه ابتدار قلندى.

اعلام مذکورک خلاصه مندرجاتی مومی ایله
توفیق افندینک مزبور خیرالدین افندی ذمتنده
بورچاق شرکتی تجارتندن حصه سنه اصابت ایدن
یکرمی بش عدد ایرای عثمانی آله جغفنگ اخذینه
موفق اوله مدیغندن مبلغ مذکورک مع مصارف محاکمه
واجرای موقت تحصیلی قونییه بدایت محکمه سی
تجارت قسمنه بالمراجعه طلب و دعوی ایتسنه قارشو
مدعی علیه خیرالدین افندی وکیلی دخی موکلنک اعشار
و ذخائر متنوعه و بورچاق شرکتی اخذ و اعطاسندن
مدعی ایله بینلرنده کی معامله نك محاسبه سی بالرؤیه
موکلنده برکونه آله جغنی قالمدیغنه دائر موکلنک یدنده کی
دفتر زیرینی مدعی مومی ایله تحتم ایش و شو
صورتله موکلنک حبه واحده دینی قالماش اولدیغنی
و مدعی دخی مبلغ مدعی به مبرز دفترده محرر اعشار
حسابی خارچنده اولوب بونی مدعی علیه کندوسی
خانه سنه کوتوروب مذکور دفتر امنیت اوزرینه

مهرلندیرلد کدن صوکره رد واشبو اعشار حسابنک
بورچاق حسابنه تعلق اولمادیغنی بالیان هرا یکسییده
برر قطعه دفتر ابراز و اعطا ایتلری اوزرینه جریان
ایدن محاکمه و تدقیقات نتیجه سنده مدعینک برمنوال
محرر ادعاسنی علی الاصول اثبات ایده میه رک طلمیله
تکلیف ایدلکی یمینی مدعی علیه وکیلنک قبول
ایتماسنه بناء مجله نك بیک سکزیوز یکرمنجی ماده سی
موجبجه مدعی به یکرمی بش عدد ایرای عثمانی نك
مدعی علیه مومی الیهدن بالتحصیل مدعی یه اعطاسنه
و مبلغ مذکوره تاریخ استعدادن اعتباراً بشقه جه
گذشته یوریدلمسنه حکمدن و مستدعینک اشبو حکم
علینده لایحه سننده محرر اعتراضاتنک خلاصه سی
ایرایی متضمن مبرز دفتر بالاسنده کی مشروحاته نظراً
مدعینک کندوسنده حبه واحده آله جغنی قالمادیغنی
اکلاشلمش و شوحاله کوره دعوی واقعه نك استماعی
غیر جائز بولنش اولدیغنی کی اساس ادعا شرکت
معاملاتندن متولد اولمسنه نظراً کیفیت میزله حواله
اولتی لازم کلور ایکن اولنامسی و دعوی عرفه نك
فائض طلب اولمادیغنی حالدله بلا ادعا فائض حکم اولنسی
و یمینی قبول و یا یمیندن نکول بالذات موکله عائد ایکن
وکیلنک افاده واقعه سنک نکول عدلیه برمنوال محرر
حکم ایدلمسی مغایر قانون اولدیغندن بحثله اعلامک
نقضی استعداسندن و لایحه جوابیه مؤداسی ده غیروارد
اولان اعتراضات مسروده نك ردیله اصول و قانونه
موافق اولان اعلامک تصدیق طلبندن عبارتدر.

ایجابی مذاکره اولندقدده اعلام مذکور مألندن
منفهم اولدیغنی اوزره توجه ایدن یمینی قبول و اجرا
و یا یمیندن نکول ایتک بالذات موکله عائد اولمغله
محکمه جه علی الاصول اصیل مرقوم خیرالدین افندی یه
دعوتیه تبلیغیه کلمدیکی صورتده اولوقت یمیندن
نکول حاصل اوله جغنه نظراً محکمه جه وکیلنک
افاده سنک نکول عدلیه برمنوال محرر قرار ویرلمسی
مغایر قانون اولدیغندن اصول محاکمه حقوقیه قانوننک
ایکی یوز اوتوز ایکنجی ماده سی موجبجه اعلام
مذکورک تقضیه قانون مزبورک ایکی یوز قرق دردنچی

ماده سنک فقره اولاسی حکمنه توفیقاً کیفیتک تکرار
بالرؤیه اعلامه ربطی ضمننده محکمه مذکوره یه
اعاده سنه ١٤ کانون اول سنه ٣٢٣ تاریخنده متفقاً
قرار ویرلدى.

محکمه تمیز استعدا دائره سندن تنظیم واعطا

اولنان اعلامدر:

جانیک سنجانی بدایت محکمه سی جزا دائره سندن
استینافاً تنظیم واعطا قلنان ٥ اغستوس سنه ٣٢٣
تاریخی و ٨٣٩ نومرولی اعلامک تمیزاً تدقیقی
مستدعی لواء مذکور اورمان اداره سی طرفندن
ویریلان استعدانامه و اوراق متفرعه سی باش مدعی
عمومیلک مأموریت بهیه سنک ١٠ کانون اول سنه ٣٢٣
تاریخی تبلیغنامه سی ایله محکمه تمیز استعدا دائره سنه
تودیع اولنش ولدی التدقیق مذکور استعدانامه نك
مدت قانونیه سی طرفنده ویرلدیکی اکلاشلمش
اولدیغندن بالقبول تدقیقات تمیز به اجراسنه ابتدار
اولندى.

اعلام مذکورک خلاصه مآلی میری اورمانندن
بلارخصت اشجار قطع ایتدیکی ادعا قلنان قیر حسن
اوغلی محمدک باظاپو متصرف اولدیغنی اراضی امیره دن
خانه و آخور انشا ایتک اوزره خدای نابت اشجاری
قطع ایدلکی اورمان اداره سی طرفندن طوتیلان
ضبط ورقه سی و کشف راپوری مندرجاتندن
اکلاشلمش و بوکی اشجارک متصرفه عائدی اراضی
قانوننامه هایوننک یکرمی سکزینجی ماده معدله سی
احکامندن بولنش اولمسنه مبنی جزای نقدی استحصالنه
محل اولمادیغندن بحثله مرقوم محمدک عدم مسئولیتنه دائر
لاحق اولان حکم ابتدائینک عندالاستیناف تصدیقه
قرار ویرلدیکی متضمندر.

تمیز استعدانامه سنده محل مذکورک تصرفه دائر
مظنون مرقوم طرفندن درمیان اولنان ادعا ثبوت
بولنجه یه دیکن جزا جهتک تأخیرینه قرار ویرلمک
لازم کلور ایکن بوجهت هنوز تدقیق و فصل

اولتقسرين عدم مسئوليتهداثر بدایه ویریلان قرارك محكمه استئنافیه تصدیق جهت کیدلسی مخالف قانون اولدیغندن بخله اعلام استئنافك تقضى استدعا اولمشدر .

تبلیغنامه ده دخی درمیان اولنان اعتراضاتك غیروارد ایدوکی بیانیله مذکور استدعاینامهك ردی لزومی کوسترلمشدر .

ایجابی لدی المذاکره محكمه بدایتجه محل مذکورك جهت تصرفیه سنه متعلق اولان ادعاك تدقیقه کیریشله رك کشف راپوری مندرجاته عطفاً مظلون مرقومك عهدۀ تصرفده بولسان اراضی امیریۀ دروننده کی خدای نابت اشجاری قطع ایلش اولدیغی بیانیله اراضی قانوننامه سنك سالف الذکر یکرمی سکرنجی ماده معدله سی حکمه توفیقاً عدم مسئولیتۀ قرار ویرلک صورتیسه مرجعجه رؤیت وتدقیق لازم کلان مسئلۀ مستأخره نك دخی حکم البته آلمسندن طولانی اولباده کی اعلامك استئنافاً فسخی وایشك جهت جزائییه سنك تأخیر رؤیتی لازم کلور ایکن بوراسی نظردقته آلمقسزین قرار ابتدائی مذکورك تصدیق اولمسی تمیز استدعاینامه سنده درمیان اولندیغی وجهه یولسز ومخالف قانون بولدیغندن اصول محاکات جزائییه قانونك اوچیز اون درنجی و اوچیسوز اون طقوزنجی ماده لری احکامنه توفیقاً اعلام استئنافك تقضیه احکام قانونیه دائره سنده ایضای معامله اولغی اوزره اوراق متعلقه سنك محكمه مذکوره ده اعاده سنه وایکی یوز غروش اعلام خرجك مستدعی اورمان اداره سنندن آلمسنه ۲۴ کانون ثانی سنه ۳۲۳ تاریخده متفقاً قرار ویرلدی .

خلیلی قتل ایتدیکی ادعا اولمسنندن دولای جنایتله اتهام اولنان اسماعیلک اون بش سنه مدته کورکه قولسنه دائر طرزون ولایتی استئناف محکمه سی جزا دائره سنندن ویریلان ۷۰ نومرولی اعلام

نوری قتل و احمدي قتل قصديه جرح ایتدیکی ادعا اولمسنندن دولای جنایتله اتهام اولنان احمك اون بش سنه مدته کورکه قولسنه دائر نیکده سنجانی بدایت محکمه سی جزا دائره سنندن ویریلان ۳۳۵ نومرولی اعلام

اولنان عواق و سیمونك طقوزر سنه مدته کورکه قولنلرینه دائر قوزان سنجانی بدایت محکمه سی جزا دائره سنندن ایکنجی دفعه اوله رق ویریلان ۱۹۰ نومرولی اعلام

ابراهیمك اثنای راهده اوکنه چیقهرق معامله جبروشدت اجراسیله تقودی اخذوغصب ایتدکلری ادعا اولمسنندن دولای جنایتله اتهام اولنان موسی وقوجه محمد و اسماعیل و درویش وحاجی محمدک اوچر سنه مدته کورکه قولنلرینه وعلینک برائته دائر مرسین سنجانی بدایت محکمه سی جزا دائره سنندن ویریلان ۱۸۲ و ۲۱۲ نومرولی ایکی قطعه اعلام

سنیچہ قضای اهاالیسنندن مختار اوقایه قتل قصديه سلاح استعمال و مصطفای جرح ایتدیکی ادعا اولمسنندن دولای جنایتله اتهام اولنان محرم بن قزیرك اوچ چق سنه مدته کورکه قولسنه دائر سنیچہ سنجانی بدایت محکمه سی جزا دائره سنندن ویریلان ۲۸ نومرولی اعلام

سکود قضاسنك اسنمز قریه سنندن ابراهیم چاوشك اوغلی احمدي قتل ایتدیکی ادعا اولمسنندن دولای جنایتله اتهام اولنان حسین بن ولینک اون بش سنه مدته کورکه قولسنه دائر ارطغرل سنجانی بدایت محکمه سی جزا دائره سنندن ویریلان ۲۷ نومرولی اعلام

ضیا افندیك لیلّا خانہ سی دیوارندن آشہرق قیو و صدوق کیدلرینی شکسته اشیلرینی سرق ایلدکلری ادعا اولمسنندن دولای جنایتله اتهام ایدیلان سلیمان بن محمد وزیر الماسک اوچر سنه مدته کورکه قولنلرینه دائر بانیه ولایتی استئناف محکمه سی جزا دائره سنندن ایکنجی دفعه اوله رق ویریلان ۱۷ نومرولی اعلام

علی افندیك لیلّا اثنای راهده اوکنه کچہ رك معامله جبروشدت اجراسیله اشیا وتقودی اخذ ایلدکلری ادعا اولمسنندن دولای جنایتله اتهام اولنان مصطفی ورفیق موسانك اوچر سنه مدته کورکه قولنلرینه دائر دکلری سنجانی بدایت محکمه سی جزا دائره سنندن ویریلان ۱۶۸ نومرولی اعلام

قره فریولی زنجی اسماعیلی قتل ایتدیکی ادعا اولمسنندن دولای جنایتله اتهام اولنان توفیق بن بانوشك اون بش سنه مدته کورکه قولسنه دائر سلانك ولایتی استئناف محکمه سی جزا دائره سنندن ویریلان ۲۹ نومرولی اعلام

بیا لی اوغلی حجری قتل قصديه جرح ایتدیکی ادعا اولمسنندن دولای جنایتله اتهام اولنان درویش بن علینک اوچر سنه مدته کورکه قولسنه دائر جبل برکت سنجانی بدایت محکمه سی جزا دائره سنندن ویریلان ۲۲ نومرولی اعلام

خلیل اوغلی حسنی قتل ایتدیکی ادعا اولمسنندن دولای جنایتله اتهام اولنان علینک اون بش سنه مدته کورکه قولسنه دائر آیدین ولایتی استئناف محکمه سی جزا دائره سنندن ویریلان ۱۴۵ نومرولی اعلام

خلیل اوغلی حسنی قتل ایتدیکی ادعا اولمسنندن دولای جنایتله اتهام اولنان علینک اون بش سنه مدته کورکه قولسنه دائر آیدین ولایتی استئناف محکمه سی جزا دائره سنندن ویریلان ۳۰۹ نومرولی اعلام

محكمه تمیز جزا دائره سنجه تصدیق قلمشدر .

درسعادت جنایت محکمه سنندن تنظیم واعطا قتلان اعلامدر :

اوچیز یکرمی اوچ سنه سی کانون اولنك اونجی کوئی ساعت یدی سکرز راده لرنده صاتییه لیلیجی کوشه سنده کائن اردم قادیك خانه سنندن آلت مخصوصه استعمالیه فعل سرقته تصدی ایتدیکی ادعا سیله مظلون علیه اولان وبلاطده قره باش محله سنده برخانه ده اقامتله بالقجلیق ایتدیکی سولیلان یکرمی اوچ یاشنده سلایکلی سموئیل ولد یوده نك جنایتله اتهامه دائر هیئت اتهامیه دن تنظیم ایدیلان مضبطه واستئناف مدعی عمومیلکنك ۱۶ شباط سنه ۳۲۳ تاریخ و ۹۳۳ نومرولی اتهامنامه سی اوراق متفرعه سیله برلکده محكمه جنایتیه تودیع قلمغله بلده المله تقصیلاتی اولباده طوتیلان مضبطامه دن مستبان اوله جی اوزره اصول محاکات جزائییه قانونك باب نایسنك فصل رابعده محرر معاملات ابتدائییه بعد ایضا متهم سموئیلک اجرای محاکمه سی ایچون ۳۲۳ سنه سی شباطك یکرمی بدنجی چهارشنبه کوئی تعیین قلدی . یوم مذکورده متهم مرقوم علی الاصول توقیفخانه دن کتوردیلرک ومدافعه وکیلی مفردیخ افندی ایله مشتکیه اردم قادین واستئناف مدعی عمومیلکی

معاونلندن غزنلو بهجت بك حاضر اولدکلری حالده محاکمه صالوننه چقیله رق محاکمه علنییه اجراسنه مباشرت ومتهم وکیلله اضطارات لازمه قانونیه ایضا قلدقدن صوکره هیئت اتهامیه مضبطه سیله اتهامنامه ضبط کاتی شفیق افندی طرفدن قرائت اولندی . مذکور مضبطه ده مظلون علیه سموئیلک اردم قادیك خانه سنندن آلت مخصوصه استعمالیه فعل سرقته تصدی ایتدیکی حالده اسباب مانعه حیلولتیله ماده سرقی فعله چقشاره مامش اولمسنندن طولانی اتهامه اوراق تحقیقییه محرر دلائل وامارات کافی کورلش وحرکتی قانون جزائک ایکی یوز اوتوزنجی ماده سنك علاوه سی منطقجهه ایکی یوز یکرمنجی ماده سی حکمنی مستلزم افعال جنائییه دن بولنش اولدیغندن بالبح جنایتله اتهامه قرار ویرلدیحرر واتهامنامه ده دخی مرقومك مضبطه مذکوره مندرجاتی وجهه اتهام ایتدیکی مسطر در .

اتهامنامه نك خلاصه سی جانب ریاستدن متهم سموئیله تفهم وتوضیح ومعاون موسی الیه طرفندن دخی دعوانك تشریح اولمسنی معقب وقوع بولان مجاوبه ده متهم وقعه کوئی صاتییه دن کچمکده ایکن اسکی لاستیک صاتیق ایچون چاغران اردم قادیك خانه سنه کتیدیکنده بازارلق اویمدیغندن مزبوره نك خرسز وار دیو واقع اولان فریادی اوزرینه فرار ایتمکده اولدیغی ائشاده در دست ایتدیکی وسرقی قبول ائیه جکی بیان وعد السؤل کندوسی مزبوره نك خانه سی قیوسی آچمدیغی وقاربوله ده یاتمدیغی محل وقعه ده بولسان اناختارلرکده کندوسنك اولمادیغی اتیان ایلدی .

مشتکیه اردم قادین وقعه کوئی والده سنك خانه سنده اوطورمقدمه ایکن قوموشی زهرا خانمك برشخصک خانه سنه دخول ایتدیکی خبر ویرمی جهتله همشیرسی قوهارك ایله برابر کیدرک کندوسنك یوقاری قاته چیقدیغی و اشاغیده کی اوطه ده اقامت ایدن کراجنك اوطه سنه کیرن مزبوره همشیره سنك خرسز بوراده در دیوفر یاد ائتمی اوزرینه اشاغی ایندیکنده متهم سموئیلک فرار ائیسيله بولده در دست ایتدیکی اتیان وعد الاستیضاح کندوسی والده سنك خانه سنه کیدر ایکن طیش قیوی کیدلش ایدوکی ومنعم کیرمش اولدیغی اوطه نك قیوسی هر وقت آچیق اولوب او اوطه یی بریسه ایجاز ائیش اولدیغی وبرکونه ضایعاتی اولوب مرقومك حاضر لاش ایدوکی بالطو ویکل کبی بعض اشیا یی آغله موفق اوله مدیغی وکندولرینك یتشمسنی معقب متهم مرقومك قاربوله اوزرندکی یتشاغک ایچنه کیرمش ایدوکی وبالاخره ورود ایدن مأمورین ضابطه جه شلیتله نك التندن اوچ اناختار جیقارلدیغی درمیان ایلدی .

علی هذا ۱۰ کانون اول سنه ۳۲۳ تاریخی ضابطه عدلیه تقریری ایله برقطعه کشف ورقه سی قرائت ایتدیرلدی .

تقریرده ۳۲۳ سنه سی کانون اولنك اونجی کوئی ساعت یدی راده لرنده صاتییه ده لیلیجی کوشه سی جاده سنده برخانه ده اقامت ایدن اردم قادین مسافرت طریقله والده سنك خانه سنه کیتمسيله مذکور خانه نك انساندن خالی اولدیغی حس ایدن و اوصره ده اورالرده طولاشدیغی اکلاشیلان سموئیلک مذکور خانه یه دخول ایتدیکنك کورلسی اوزرینه اطرافدن یتیشلمسيله اوطه ده کی قاربوله ده واقع یتاغه کیروب ویورغانی باشنه چکوب یاآقمده ایکن مشاهده اولغله واقع اولان فریادی معقب اوچ عدد قیو مقتاحی قاربوله نك ایچنده ترك ایدرک فرار ایتدیکی ائشاده جمال کبغورق وزاریکک معاونتیه برعسکر چاوشی طرفدن در دست اوله رق مرکزہ کتورلمکله افاده سنه مراجعت اولندقدمه اسکی لاستیک آلمقدمه ایکن مزبوره اردم قادین ایله منازعه ایتمکله خوفندن ناشی فرار ایتمکده اولدیغی صره ده در دست اولسیدیغی تأویلاً اعتراف ایتدیکی اشعار وکشف ورفقه سنده محل وقعه کشف ومعاینه اولندقدمه سارق زقاق قیوسی کشاد ایدرک درون خانه یه بالدخول خانه نك آلت قاتنده کائن اولوب قیوچی مهرانك ساکن بولندیغی اوطه ده کی قونسولک کیدسز اولان ایکی کوزنده اشیا ییغی اوطه نك اورته سنه آتمش اولدیغی کورلیدیکی و مذکور اوطه دروننده بولسان قاربوله اوزرندکی یتاغک ایچندن ظهور ایدن زقاق قیولرینه مخصوص اوچ مفتاح زقاق قیوسه عندالتطبیق برینك مذکور زقاق قیوسی آچوب قیامقدمه ایدوکنك اکلاشیدیغی ازار قلمشدر .

قرائت اولنان اوراق مندرجاته قارشو نه دیه جکی صورلدقدمه متهم سموئیل فعل سرقی قبول ائیه جکی و اناختارلرک کندوسنك اولمادیغی سرد ایتدی .

(مابعدی کله جک نسخه یه)

اعلانات

درسعادت جنایت محکمه سننده :

بیک اوچیز یکرمی بر سنه سی تشرین اولنك اوچنجی بازار کیجه سی غلطه ده قله قیوسنده شہسواربک محله سنده وقوع بولان حربندن طولانی غیایاً جنایتله اتهام ایدلش اولان ایثالی دولتی تبعه سنندن ژاق ایله آبر نام دیگر آورام وپادوبلو اله ایدیله مامش اولدقلرندن قانونه اطاعتله محکمه یه کلاری ایچون

تاریخندن اعتباراً جانب ریاستدن کندولرینه مجدداً اون کون مهل اعطا قلمشدر مهل معین ظرفده مرقومان محکمه یه کلدکلری حالده قانونه اطاعت ایتامش نظریله باقیله رق حقوق مدنییه دن اسقاط قلنه جکلری وعلیلرندہ دعوا یه قیام اولنه جکی ومحاکمه غیاییه لری ائشاده ماللرینک جزا البته آله جنی وبوصره ده برکونه ادعا یه حق لری اوله میه جکی و بولسندکلری حلالری بیلنلرک خبر ویرمهک و بالجله ضابطه عدلیه مأمورلرینک کندولرینی طوطغه مجبور بولندکلری کبی معاملات حجزیه حقتده دخی مدعی عمومیلک تبلیغات مقتضیه اجرا ایتدیکی جهتله اصول محاکات جزائییه قانونك اوچیز یتیش برنجی و اوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتتظیم اعلان اولتور .

هرکه قریه سی اهاالیسنندن مصطفی اغانی جرح ایتدیکی ادعا سیله متهم اولان وحال فرارده بولنان ومقدمه مرقوم مصطفی اغانك زردنده اقامتله چوبانلق ایدن اورته بویلی ، قرال صاج وقاشلی ، الا کوزلی ، بغدادی بکزی ، تربیقلی ، اوزون برونی ، یورلاق چکللی اون طقوز یاشنده شیلہ یکی کورینک اشاغی محله سی اهاالیسنندن طودوری نام دیگر شودولوس در دست ایدیله مامش اولدیغندن تاریخندن اعتباراً جانب ریاستدن کندوسنه مجدداً اون کون مهل اعطا قلمشدر مهل معین ظرفده مرقوم محکمه یه کلدیکی تقدیرده قانونه اطاعت ایتامش نظریله باقیله رق حقوق مدنییه دن اسقاط قلنه جکی وعلیلندہ دعوا یه قیام اولنه جکی ومحاکمه غیاییه سی ائشاده اموالنک جزا البته آله جنی وبوصره ده برکونه ادعا یه حتی اوله میه جکی و بالجله ضابطه عدلیه مأمورلرینک کندوسی طوطغه مجبور بولندکلری کبی معاملات حجزیه حقتده دخی مدعی عمومیلک تبلیغات مقتضیه اجرا ایتدیکی جهتله اصول محاکات جزائییه قانونك اوچیز یتیش برنجی و اوچیز یتیش ایکنجی ماده لرندن استنباط اولنان احکامه توفیقاً اشبو قرارنامه بالتتظیم اعلان اولتور .

درسعادت بدایت محکمه سی ایکنجی حقوق دائره سنده کورکچی خانی اوطه باشیسی وکیللی لاز اوغلی یورغانک چاقاچیلر بقوشنده کوچک یکی خانه مقیم ایکن ایوم اقامتکاهی مجهول اولان اوطه باشی وکیل عمر اغا علیه درسعادت بدایت محکمه سی ایکنجی حقوق دائره سنده اقامه ایتدیکی آله جق دعوانسک اعلاناً وقوع بولان تبلیغات اوزرینه جریان ایدن محاکمه غیاییه سی نتیجه سنده مدعی به اوتوز بش

عدد ليرای عثمانينك مع فائض ومصارف محاكمه مدعى عليه مرقومدن تحصيله دائر استحصال ايلديكى ۱۰ حزيران سنه ۳۲۴ تاريخ و ۳۹۵ عددلى اعلام غيايبينك برقطعه صورت مصدقهسى مدعى عليهك اقامتكاهى مجهول اولمسندن ناشى اصول محاكمه حقوقه قانونك يوز قرق طقوزنجى مادهسى منطوقجه تبليغ اولمش عد ايدلك اوزره محكمه ديوانخانه سنه تعليق قلندينى كجى اعلان كيفيته ده ابتدار اولنور .

نفاذت بىر محكمه سنه

چارسوى كيرده ۲۲۹ و ۲۳۳ و ۲۳۵ نومرولى مغازلرده تحفيه تجارتيه مشغل يوركى ديمر ياديسك ۲ حزيران سنه ۳۲۴ تاريخندن اعتباراً اعلان افلاسنه ومصالح افلاسيه نك رؤيت وتسويهسى ضمنده اعضاي محكمه دن سعادتو ابراهيم بكك ژوژ قوميسر ودعوى وكيللرندن سايمان سري افدينك موقت سنديك تعيينلرينه ومغازلريله اشياى زائده بيتيه لرينك مهرلنسنه واوراق ودفاترينك جلبه وكفالت مصدقه ارايه ايدى مديكى تقديرده حبس وتوقيفه وبوباده كى قرارك موقتاً اجراسنه تجارت بحريه محكمه سنجه قرار و يرلمش اولديغندن قانوننامه تجارتك ۱۷۰ نجى مادهسى موجبجه دائمي سديكلر انتخاب اولنقى اوزره اشبو ۳۲۴ سنهسى حزينانك اوتوزنجى بازارايرتسى كوني ساعت يدي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطنه سنه كللى اعلان اولنور .

درسعادته يمش اسكه سننده بالموجيلرده مقيم بالموجيلق تجارتيه مشغل عرب اوغلى خرسونك ۴ حزيران سنه ۳۲۴ تاريخندن اعتباراً اعلان افلاسنه ومصالح افلاسيه نك رؤيت وتسويهسى ضمنده اعضاي محكمه دن عزتو ايوب صبرى بكك ژوژ قوميسر ودعوى وكيللرندن محمود جلال الدين وديران ارغايان افديلك موقت سنديك تعيينلرينه ومغازلسيله اشياى زائده بيتيه سنك مهرلنسنه واوراق ودفاترينك جلبه وكفالت مصدقه ارايه ايدى مديكى تقديرده حبس وتوقيفه وبوباده كى قرارك موقتاً اجراسنه تجارت بحريه محكمه سنجه قرار و يرلمش اولديغندن قانوننامه تجارتك ۱۷۰ نجى مادهسى موجبجه دائمي سديكلر انتخاب اولنقى اوزره اشبو ۳۲۴ سنهسى حزينانك يكرمى سكرنجى جمعايرتسى كوني ساعت يدي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطنه سنه كللى اعلان اولنور .

بك اوغلنده فيروزاغاده ساكن ايكن تجارت بحريه محكمه سنندن افلاسنه حكم اولمش اولان احمد زاده عبد اللطيف افدينك خصوصات افلاسيه سنك رؤيت وتسويهسى ضمنده دعوى وكيللرندن رسائى بك ايله مارقونا حوم ويوردانا كى افنديلر اصالة سنديك تعيين قلنمش اولدقلرندن مفلس مرقوم ذمتنده آله جنى اولانلرك قانوننامه تجارتك ۱۹۹ و ۲۰۰ نجى مادهلرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتنه تسليم ايللرى ومدت مذكوره نك ختامندن صوكره اوچ كونده يعنى ۳۲۴ سنهسى تموزينك سكرنجى صالى وطقوزنجى چهارشنبه واوتجى پنجشنبه كونلرى تجارت بحريه محكمه سنك مصالح افلاسيه رؤيته مخصوص اوطنه سنه كلرك سنديك افنديلر مواجهه سنده آله جقلرينى اثبات وقيد وتصديق ايتديرملرى ومدت مذكوره نك اثبات وجود ايدى ميان آله جقلولر حقنده قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

غلطه ده كوركچيلرده مقاره جيلر زقاغنده ساكن ايكن تجارت بحريه محكمه سنندن افلاسنه حكم اولمش اولان لوازمات بحريه بابى غوزوپلو يولخير ونيادينك خصوصات افلاسيه سنك رؤيت وتسويهسى ضمنده دعوى وكيللرندن حسن خيرى بك ايله مناس انومو تارهى افدى اصالة سنديك تعيين قلنمش اولدقلرندن مفلس مرقوم ذمتنده آله جنى اولانلرك قانوننامه تجارتك ۱۹۹ و ۲۰۰ نجى مادهلرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتنه تسليم ايللرى ومدت مذكوره نك ختامندن صوكره اوچ كونده يعنى ۳۲۴ سنهسى تموزينك سكرنجى صالى وطقوزنجى چهارشنبه واوتجى پنجشنبه كونلرى تجارت بحريه محكمه سنك مصالح افلاسيه رؤيته مخصوص اوطنه سنه كلرك سنديك افنديلر مواجهه سنده آله جقلرينى اثبات وقيد وتصديق ايتديرملرى ومدت مذكوره نك اثبات وجود ايدى ميان آله جقلولر حقنده قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

درسعادته جلال بك خانى التده سباكن ايكن تجارت بحريه محكمه سنندن افلاسنه حكم اولمش اولان فوطوغراف وه لوسپيد تاجرى آ ديرادورك خصوصات افلاسيه سنك رؤيت وتسويهسى ضمنده دعوى وكيللرندن حسن خيرى بك ايله شمعون لوى

افدى اصالة سنديك تعيين قلنمش اولدقلرندن مفلس مرقوم ذمتنده آله جنى اولانلرك قانوننامه تجارتك ۱۹۹ و ۲۰۰ نجى مادهلرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتنه تسليم ايللرى ومدت مذكوره نك ختامندن صوكره اوچ كونده يعنى ۳۲۴ سنهسى تموزينك سكرنجى صالى وطقوزنجى چهارشنبه واوتجى پنجشنبه كونلرى تجارت بحريه محكمه سنك مصالح افلاسيه رؤيته مخصوص اوطنه سنه كلرك سنديك افنديلر مواجهه سنده آله جقلرينى اثبات وقيد وتصديق ايتديرملرى ومدت مذكوره نك اثبات وجود ايدى ميان آله جقلولر حقنده قانون مذكورك ۲۱۰ نجى مادهسى حكمه توفيقاً ايفاي معامله اولنه جنى اعلان اولنور .

درساعات اعوامات نظاميه اجراء سنه

طودورا كينك فسجى على افدى ذمتنده محكوم به آله جغندن طولاني حجز الته الديرلمش اولان اموال واشياسنك فروخت اولنه جنى حقنده مومى اليه على افدى به كوندريلان ايكنجى اخبارنامه زرينه مومى اليهك اقامتكاهى مجهول بولمش اولدينى خدمه سيله ضابطه طرفندن شرح و يرلمش اولديغندن اجرا قانونك يكرمى طقوزنجى مادهسى موجبجه تاريخ اعلاندن اعتباراً طقسان بركون ظرفنده مومى اليه طرفندن مراجعت ايدلمديكى تقديرده اموال واشياى محجوزه سنك فروخت اولنه جنى درساعات اعوامات نظاميه اجرا دائره سنندن اعلان اولنور .

قرتال قضاسى بابت محكمهسى اجراء سنه

قرتال قصبه سننده مقيم قهوه جى حسنى افدينك قصبه مذكوره ده مقيم كريم اوغلى على افا ذمتنده با اعلام محكوم به آله جنى اولان مبالغ معلومه نك تامين استيفاسى ايچون مديون مرقومك عهدۀ تصرفنده بولنان مذكور قصبه ده چارلر موقعنده كائن طرفلرى شرقاً درعليه لى جلوه كار خانم وغرباً مقدما خديجه خانم واليوم سعيدبك ترلالرى وشمالاً بغداد جادهسى وجنوباً حسنى وبعضاً تحسين افدى بوستانى ايله محدود اوچ دونم ترلاسى حجز الته آلمش اولديغندن تاريخ اعلاندن اعتباراً اون بش كون صوكره بالمازايده فروخته تشبث ايديله جكى قرتال قضاسى بدايت محكمهسى اجرا دائره سنندن اعلان اولنور .